



LE GOUVERNEMENT
DU GRAND-DUCHÉ DE LUXEMBOURG
Ministère de l'Éducation nationale,
de l'Enfance et de la Jeunesse

Lëtzebuergesch Versioun vum *Système éducatif* (Men.lu)

Jeunesse - Jugend

Jugend

Jugendpakt 2017 - 2020	4
Jugendrot	6
Jugendpartizipatioun	7
D'Jugendgarantie	8
Ënnerstëtzung vu Jugendorganisatiounen a Jugendservicer	9
Servicer fir Informatioun, Animatioun a Begéignung op kommunalem a regionalem Plang	9
Servicer op nationalem Plang	9
De Service national de la jeunesse (SNJ)	11

Jugend

De Ministère fir Educatioun, Kanner a Jugend koordinéiert d'Jugendpolitik vun der Regierung, andeems se déi jonk Leit selwer wéi och d'Servicer fir Jugendlecher mat abezitt. D'Orientéierung vun der Jugendpolitik stäipt sech op d'Resultater vun der wëssenschaftlecher Fuerschung, déi dem Ministère zur Verfügung stinn opgrond vu senger Zesummenaarbecht mat der Universitéit Lëtzebuerg. De Service national de la jeunesse huet den Optrag, eng breet Palett vun non-formale Bildungsprogrammer auszeschaffen an ze organiséieren.

Jugendpakt 2017 - 2020

Déi **transversal politesch Prioritéiten** am Jugendberäich ginn **all fënnef Joer** vun engem interministerielle Comité festgeluecht. Dobäi gëtt sech net nëmmen op den nationale **Rapport zur Situatioun vun de Jugendlechen** zu Lëtzebuerg an op wëssenschaftlech Resultater baséiert, ma déi Jonk ginn och mat abezunn.

Den **nationale Rapport vun 2015**, deen d'Universitéit Lëtzebuerg ausgeschafft huet an deen Ufank 2016 verëffentlecht gouf, huet zu enger Propos fir en nationalen Aktionsplang, de **Jugendpakt 2017-2020**, gefouert. Dësen Text huet de Ministère den Akteuren aus dem Jugendberäich am Februar 2017 zur Konsultatioun virgeluecht an am Juli 2017 huet d'Regierung en ugehall.

Dësen Aktionsplang leet déi **strategiegesch Ziler** fest, no deenen sech d'Jugendpolitik bis 2020 soll ausriichten. Dräi Schwéierpunkte goufen op Basis vum Rapport vun 2015 uitgemaach, déi besonnesch d'Iwwergangszäit vum Jugendlechen zum Erwuessenenalter betreffen:

- **Aarbecht**
- **Wunnen**
- **Staatsbürgerschaft**

Fir den Iwwergang an d'Beruffsliewe fir Jugendlecher, a besonnesch fir déijéineg mat spezifesch Problemer oder Schwierigkeiten (Jugendlecher ouni Schoulofschloss, mat enger Behënnerung, mat psychesche Problemer ...), méi einfach ze maachen, goufen dräi Aktionsschwéierpunkten zeréckbehalen:

- Verbesserung vun de Kenntnissier iwwer Risikogruppen;
- Stärkung vun de Fäegkeete vu Jonke mat wéineg Bildung, formal oder non-formal, andeems een der Jugendarbecht eng vollwärtig Plaz zoukomme léisst;
- Entwécklung vum Dispositif [Jugendgarantie](#) mat den Akteuren am Beschäftigungsberäich.

Fir jonk Leit, virun allem déi, déi aus Betreuungsstrukture kommen oder déi op keng materiell Hëllef vun der Famill kënnen zielen, bei der Sich no enger **Wunneng** ze ënnerstëtzen, huet sech d'Politik dräi Ziler gesat:

- fir déi verschidde Servicer aus de Beräicher vun der Educatioun, der Jugend, der Famill an dem Wunnengswiesen eng gemeinsam Politik entwéckelen a formaliséieren, andeems een sech hei ë. a. op den zukünftege Referenzkader „Aide à l'enfance“ stäipt;
- d'Zuel vun de Wunnenge fir Jonker, déi e schwierigen Iwwergang zum Erwuessenenalter erliewen, erhéijen;
- alternativ Wunnformen (Wunnengemeinschaften, intergenerationell Wunnformen) ënnerstëtzen a virun allem op rechtlecher Basis vereinfachen.

Fir datt déi Jonk alleguer um **politeschen a gesellschaftleche Liewen deelhuele**n, huet sech d'Regierungspolitik zum Zil gesat:

- déi partizipativ Demarchen an der formaler an non-formaler Bildung verstärken an och déi Jonk, déi kenger Jugendorganisatioun ugehéieren, an de [strukturéierten Dialog](#) mat anzebezéien;
- eng inklusiv Bedeelegung un de biergerlechen Aktivitéite vun allen ënnerrepresentéierte Gruppe (jonk Fraen, jonk Netlëtzebuerger, Jonker mat enger Behënnerung) ze férdere;
- de villen Akteuren am Beräich vun der Partizipatioun (Lycéeën, non-formal Bildungsstrukturen, Jugendparlament asw.) eng Plattform fir den Austausch zur Verfügung ze stellen, déi vum [Zentrum fir politesch Bildung](#) koordinéiert gëtt.

D'Ziler sinn am Detail am [Jugendpakt, dem nationalen Aktionsplang fir d'Jugend](#), beschriwwen.

D'Ëmsetzung vum **Jugendpakt** gëtt vum **interministerielle Comité fir d'Jugend** koordinéiert, dee sech zesummesetzt aus Vertrieder vun de Ministère a Verwaltungen aus de Beräicher Jugend, Educatioun, Wunnengswiesen, Aarbecht, Famill, Integratioun, Chancëgläichheet, Kultur, Sport, Gesondheet a Justiz. D'Ëmsetzung gëtt all Joer evaluéiert.

Jugendrot

Den ieweschte Jugendrot (*Conseil supérieur de la jeunesse*) ass e Berodungsgremium, deem sech mat Froen zur Jugend beschäftigt; et ass en Haaptuspriechpartner vun der **Regierung** an dem [Observatoire Jeunesse](#) vun der **Universitéit** Lëtzebuerg.

De Rot setzt sech zesummen aus:

- 8 Verrieder vu **Jugendorganisatiounen** am Sënn vum geännerte Jugendgesetz vum 4. Juli;
- 4 Verrieder vu **Jugendsewicer** am Sënn vum [Règlement grand-ducal vum 28. Januar 1999](#) iwwer d'staatlech Zouloossung fir Gestionnaire vu Jugenddéngschter;
- 4 Verrieder vun Organisatiounen fir Jugendlecher am Sënn vum geännerte Jugendgesetz vum 4. Juli 2008;
- **2 Schüler- a Studenteverrieder**;
- 4 weider Verrieder, an zwar ee Verrieder aus dem Beräich vun der **Jugendfuerschung**, ee vum Syndicat vun de Lëtzebuenger **Stied a Gemengen**, ee vum nationale **Jugendparlament** an ee Verrieder vun deem **Minister**, dee fir d'Jugend zoustänneg ass.

De Rot kann ausserdeem nach 3 Memberen ënner den Experten aus dem Jugendberäich wíelen.

D'Membere vum Jugendrot ginn op dräi Joer vum Minister genannt; d'Mandat kann erneiert ginn.

De Rot ka sech mat all Thema befaassen, dat seng Memberen als wichteg fir d'Jugend empfannen.

Jugendpartizipatioun

Eng Politik fir d'Jugend ka just an Zesummenaarbecht mat deene Jonke gemaach ginn. Déi Jonk solle konsultéiert ginn a sech aktiv bedeelegen, wat duerch verschidde Strukturen op verschidden Niveauen encouragéiert gëtt:

Op nationalem Plang ginn et zwou Hauptstrukturen: de Jugendrot an d'[Jugendparlament](#). Béd sinn am Jugendgesetz verankert. D'Jugendparlament ass eng Plattform, wou déi Jonk tëscht 14 a 24 Joer, déi zu Lëtzebuerg wunnen, zesummen iwwer Themen, déi si interesséieren an déi mat hirem Alldag ze dinn hunn, diskutéieren a debattéiere kënnen. Thematesch Kommissiounen schaffen Avisen aus, déi dann eemol d'Joer an der Chamber presentéiert ginn.

Op schouleschem Plang sinn et d'**Schülercomitéen** an déi [national Schülerkonferenz zu Lëtzebuerg](#) (CNEL), déi d'Partizipatioun vun de Jugendleche férdere. D'CNEL ass d'Plattform fir déi national Verriedung vun de Schüler; si kann dem Educatiounsminister Avisen a Proposen zu all Thema ennerbreeden, dat mam Alldag vun de Schüler an hirem Aarbecht am Enseignement secondaire ze dinn huet.

Op kommunalem Plang gëtt d'Partizipatioun vun der Jugend iwwer **kommunal Pläng fir d'Jugend** geféiert. D'Jugendhaiser spillen hei eng wichteg Roll, well si no un deene Jonke sinn a si bei hirem Partizipatioun op kommunalem Plang ennerstëtze kënnen.

Am Kader vum [strukturéierten Dialog](#) ginn et reegelméisseg Konsultatiounen. De strukturéierten Dialog ass en Instrument fir d'Partizipatioun vun der Jugend an der europäescher an nationaler Politik. Zu Lëtzebuerg gëtt et d'Méiglechkeet vum strukturéierten Dialog zënter 2013: D'Zil ass, datt déi jonk Leit sech zu de politeschen Entscheedungen, déi si betreffen, äussere kënnen an datt si och vun de politeschen Akteure gehéiert ginn.

D'Jugendgarantie

D'Jugendgarantie ass zu Lëtzebuerg op Recommendation vum Rot vun der Europäescher Unioun vum Abrëll 2013 am Juni 2014 agefouert ginn.

Dës Garantie gesäit vir, datt de Staat eng Rei vu Moossnamen zur Verfügung stellt, fir jiddwer Jonkem tëscht **16 a 25 Joer** eng méiglech Aarbechtsplaz, eng zousätzlech Formatioun, eng Berufsausbildung oder e Stage bannent véier Méint, nodeems en d'Schoul verlooss oder seng Aarbecht verluer huet, ze proposéieren.

D'Jugendgarantie ass keng Aarbechtsgarantie. Si betrëfft d'Vepflichtung vun de betreffende staatleche Servicer (Adem, Service national de la jeunesse, Antennes locales pour jeunes ...) **dem Jonken eng héichwäerteg Betreuung ze bidden** bei der Sich no enger Aarbecht, der Aschreiwung an eng Schoul oder der Bedeelegung un engem Mobiliséierungsprojet wéi dem [Fräiwëllegendéngscht](#).

Jiddwer concernéiertem Jonkem gëtt en individualiséierte Parcours proposéiert, dee säi Profil, seng perséinlech Situatioun a seng Virstellung berücksichtegt.

Ënnerstëtzung vu Jugendorganisatiounen a Jugendsevicer

Kontakt

Sekretariat vum *Service de la jeunesse*:

Tel.: (+352) 247-86552

E-Mail: jeunesse@men.lu

Akteuren, déi Moosnamen a Projete fir déi Jonk an d'Liewe ruffen, egal ob Jugendvereenegungen oder Strukture fir Jugendlecher, kréie vum Ministère fir Educatioun, Kanner a Jugend eng finanziell Ënnerstëtzung. De Minister ka Subside virgesi fir konkret Moosnamen an Aktivitéiten zugonschte vun der Jugend; formell Organisatiounen an och informell Associatiounen kënnen an de Genoss vu Subside kommen.

Fir eng Ufro fir e Subsid kuckt lech dës Dokumenter un:

- [Subsides pour mesures en faveur de la jeunesse - dispositions \(pdf - 97 Ko\)](#)
- [Subsides pour mesures en faveur de la jeunesse - formulaire \(docx - 47 Ko\)](#)

Nieft de Subsiden ënnerstëtzt de Ministère nach op eng aner Manéier Servicer fir d'Jugend, andeems e Konventioun mat hinnen ofschléisst. Dat trëfft op dës Servicer zou:

Sevicer fir Informatioun, Animatioun a Begéignung op kommunalem a regionalem Plang

D'Servicer op kommunalem Plang besti gréisstendeels aus Jugendhaiser, déi vun de Gemenge selwer oder ASBLe geréiert ginn. D'Hallschent vun de Käschte gëtt vum Ministère gedroen, déi aner Hallschent vun der Stad oder Gemeng, an där d'Jugendhaus ass. Et ginn am Ament 45 Jugendhaiser an ëm déi zéng Annexen.

Sevicer op nationalem Plang

Déi hei opgefouerte Servicer fir déi Jonk hunn eng Konventioun mam Ministère fir spezifesch Aufgaben:

- [Entente des gestionnaires des maisons de jeunes](#)
- [Centre national d'information pour jeunes \(Jugendinfo\)](#)
- [Conférence nationale de la jeunesse du Luxembourg \(national Jugendkonferenz Lëtzebuerg\)](#), representéiert 29 Jugendorganisatiounen
- [Service d'assistance aux formateurs et animateurs bénévoles](#) – SAFAB vun de Lëtzebuenger Guiden a Scouten,
- [Service Formation de la Fédération nationale des Éclaireurs et des Éclaireuses](#) – [Service vun de Formatiounen bei der FNEL](#)
- [Centrale des auberges de jeunesse luxembourgeoises – Zentral vun de Lëtzebuenger Jugendherbergen](#)
- [Centre de médiation – Mediationszentrum](#)
- Vakanzeservicer vum [Roude Kräiz](#), dem [Foyer de la femme](#) a [Caritas Jeunes et Familles](#)
- [Kanner- a Jugendtelefon](#) vu Caritas Jeunes et Familles
- Animatiounsservice vum [Sportkrees Attert](#)
- [Europäesch Vereenegung fir d'Äifel an d'Ardennen](#)

- [Mérite jeunesse](#)
- [Lëtzebuenger Landjugend](#)
- [anonym gléckspiller a.s.b.l.](#)
- [Radio Graffiti](#)

Dës Servicer ginn zu 100 % vum Staat finanzéiert.

De Service national de la jeunesse (SNJ)

D'Aufgab vum *Service national de la jeunesse* ass et, zur **Ëmsetzung vun der Jugendpolitik bäizedroen** an e **Ressourcenzentrum** fir de Jugendsektor ze schafen.

Seng Aufgaben deelen sech op véier Aktiounsberäicher op:

1. Formatioun an Ënnerstëtzung bei pedagogesche Projeten:

- Formatiounen: Animateuren, schoulesch Mediatoren, BEE SECURE
- Ënnerstëtzung bei Aktivitéiten a Projete mat Jonken:
 - Co-Organisatioun vu Campen a Kolonien
 - Verléine vu Material
 - Locatioun vu Chaleten an Terrainen fir Campen
 - Congé-jeunesse
 - Netz „Proufsäll“
 - Dispositif „GO“ & „Project Squat“
 - Initiativ BEE CREATIVE & Makerspace „Base 1“

2. Gestiou vum dräi themenorientéierte pedagogeschen Zentren:

- Bildungsmoosname fir eng nohalteg Entwécklung (Huelmes)
- Sport a Spaass (Lëtz)
- Wuelbefannen a Medienerzéiung (Mariendall)

3. Ënnerstëtzung vun de Jonke beim Iwwergang an d'Beruffsliewen:

- 12 „Antennes locales pour jeunes“ ([ALJ](#))
- Alternativen zur Inaktivitéit: Fräiwëllegendéngscht a praktesch Workshoppen
- international Mobilitéit: Fräiwëllegendéngscht am Ausland, Working-Holiday-Visa, Au-pair-Beschäftegung

4. Qualitéitsentwécklung an der Aarbecht mat Kanner a Jugendlechen:

- Sécherung vun der pedagogescher Qualitéit bei Dageselteren, an de Bildungs- a Betreuungsstrukturen an de Servicer fir Jonker (Agents régionaux „Jeunesse“)
- Koordinatioun vun der Weiterbildung (www.enfancejeunesse.lu)
- Verëffentlechunge fir Léierpersonal
- Ënnerstëtzung a Betreieung vun innovativen Projeten